




Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-27492/24
Sarajevo, 13.06.2024. godine

**BOSNA I HERCEGOVINA
FEDERACIJA BiH
PARLAMENT FEDERACIJE
ZASTUPNIČKI DOM**



PREDMET: Odgovor na zastupničko pitanje zastupnika u Predstavničkom domu Parlamenta Federacije BiH Čavalić Admira, dostavlja se;

VEZA: Vaš akt broj: 05/1-02-291/24 od 29.05.2024. godine

U Vezi Vašeg akta broj i datum veze, dostavljamo Vam akt Uprave policije, Ministarstva unutrašnjih poslova Kantona Sarajevo broj:02/2-6558/24 od 12.06.2024. godine, koji predstavlja odgovor na poslaničko pitanje koje je postavio Čavalić Admir, zastupnik u Predstavničkom domu Parlamenta Federacije BiH, na 11. redovnoj sjednici Predstavničkog doma Parlamenta Federacije BiH održanoj dana 28.05.2024. godine.

S poštovanjem,

Prilog:

1. akt Uprave policije,
Ministarstva unutrašnjih poslova Kantona Sarajevo
broj: 02/2-6558/24 od 12.06.2024. godine;
2. CD x1.

Dostaviti:

1. Naslovu;
2. Za objavu na web stranici Ministarstva;
3. a/a.





Broj: 02- 2-6577 /24
Datum: 12.06.2024. godine

MINISTARSTVO UNUTRAŠNJIH POSLOVA

- sekretaru ministarstva -

PREDMET: Poslaničko pitanje Čavalić Admir, zastupnik u Predstavničkom domu Parlamenta Federacije BiH, odgovor - dostavlja se, -

VEZA: Vaš akt, broj: 01-9-02-2-27492/24 od 06.06.2024.godine

Vezano za vaš akt, broj i datum gornji, kojim je dostavljen akt Federalnog Ministarstva unutrašnjih poslova i poslaničko pitanje koje je postavio Čavalić Admir, zastupnik u Predstavničkom domu Parlamenta Federacije BiH", koje je glasilo "U kojoj je fazi implementacija Uredbe o jedinstvenoj policijskoj uniformi policijskih snaga u F BiH", dostavljamo Vam odgovor, kako slijedi:

Nakon donošenja Uredbe o jedinstvenoj policijskoj uniformi policijskih snaga u Federaciji Bosne i Hercegovine ("Službene novine Federacije Bosne i Hercegovine", broj 60/23 od 09.08.2023.godine), a shodno Uredbom propisanom obliku, izgledu i tehničkim opisima pojedinih dijelova policijske uniforme, Uprava policije Ministarstva unutrašnjih poslova Kantona Sarajevo je pripremila postupak javne nabavke novih policijskih uniformi.

Dana 06.10.2023. godine na portalu javnih nabavki je objavljeno obavještenje o nabavci i tenderska dokumentacija za nabavku policijskih uniformi, procijenjene vrijednosti 4.482.110,00 KM (Lot 1 – Klasična uniforma, Lot 2 – Svečana uniforma, Lot 3 – Uniforma za rad u inostranstvu, Lot 4 – Cipele i čizme).

Tenderska dokumentacija za nabavku uniformi je pripremljena na način da se osigura isporuka dijelova uniforme u skladu sa propisanim standardima kvaliteta, dok su tehničke specifikacije zadate u skladu sa Uredbom o jedinstvenoj policijskoj uniformi policijskih snaga u Federaciji BiH . U toku postupka zaprimljen je veći broj primjedbi ponuđača kroz žalbene navode i zahtjeve za pojašnjenja tenderske dokumentacije, na tehničke specifikacije koje su propisane Uredbom, te je zbog nemogućnosti udovoljavanja zahtjevima ponuđača za izmjenama tenderske dokumentacije – tehničkih specifikacija koje su propisane Uredbom (odredbe posebnih propisa), dodatno otežano provođenje postupka nabavke.

U postupku nabavke uniformi, objavljenom dana 06.10.2023. godine, potencijalni ponuđači su pred istek roka za preuzimanje tenderske dokumentacije i predaju ponuda, vršili preuzimanje tenderske dokumentacije i iznosili žalbene navode koji se u pretežnom dijelu odnose na podatke iz tehničkih knjižica propisanih Uredbom.

Nakon uložених žalbi, u postupku pred Uredom za razmatranje žalbi, žalioci su u devet slučajeva, neuplaćivanjem propisane takse za vođenje postupka, odustali od žalbenog postupka, te se na taj

način samo produžavao tok postupka, dok su zaprimljene žalbe odbacivane kao neuredne. Takođe i Uprava policije je postupajući po članu 100. stav (2) Zakona o javnim nabavkama, jednu žalbu odbacila zaključkom, na koji žalilac nije ulagao žalbu Uredu za razmatranje žalbi BiH.

Postupak nabavke uniformi propisanih Uredbom o jedinstvenoj policijskoj uniformi policijskih snaga u F BiH je u toku i vrši se usklađivanje tenderske dokumentacije sa navodima iz rješenja Ureda za razmatranje žalbi, te će tokom narednih dana ponovo biti objavljeno obavještenje o predmetnoj nabavci, uz napomenu da se i dalje u tenderskoj dokumentaciji mora pridržavati Tehničkih specifikacija dijelova uniforme kakve su propisane Uredbom.

S poštovanjem,

Dostaviti:

- Naslovu,
- a/a

